

Vorrede.

Weil aber/ wie gesagt/ sonst niemandt diese mühe vnd sorge/ andere in Kochen Schriftlichen zu vnterrichten/ auff sich nemmen hat wöllen/ vnd man es doch nicht one grossen nachtheil der Jugendt/ entrahten kan/ hab ich endlich wolgedachter Herrn bitt vnd begern raum vnd statt geben/ vnd ihnen willfahren müssen.

Dertwegen hab ich mich zum aller treulichsten Speiß/ von zamen vnd wilden vierfüßigen Thieren/ von Vögeln vnd Federwildpret/ von Fischen/ Zugemüß/ Gebacken/ Pasteten/ Turten/ Confect/ Safft/ Eyngemachtem/ vnd andern sachen/ so zur Kocherey nötig/ so viel ich mit eygener Handt gemacht/ zu beschreiben vnterstanden/ vngeweißelt/ es werden gutherzige verständige Leut viel mehr mein treutes vnd geneigtes Gemüt andern im besten zu willfahren/ als die größe der Kunst/ oder zter der Sprachen/ ansehen vnd erwegen. Denn ich mit diesem meinen vnterricht diß ganz vnd gar nicht gesucht/ wie ich andere Leut eben an diese weiß zu kochen/ vnd Speise zu bereiten binden/ sondern viel mehr wie ich ihnen/ damit sie sich zur Kocherey artlich schicken and anstellen/ anleitung geben/ auch andere/ so vielleicht mehr als ich erfahren/ etwas stattlichers von dieser Materiy an tag zu geben/ vnd Leuten damit zu dienen/ anreißen möge.

Weil aber Durchleuchtigste Churf. gnedigste Frauw ein alt hergebrachte gewonheit/ welche zu allen zeiten biß auff vns löblich erhalten/ diejenigen Bücher/ so man öffentlich in Druck wil lassen außgehen/ ansehnlichen vnd fürtrefflichen Leuten zu dediciern vnd heim zu schreiben/ damit im fall der not beydes sie/ vnd ire Autores einen Patron vñ Beschützer haben/ auch desselben halben desto ehe von andern auffgenommen/ gelesen/ vnd geliebet werden möge. Welchs/ nach dem ichs betrachtet/ hat auch mir genzlich gefallen/ gegenwürtig Kochbuch E. Churf. S. zu schuß/ ehren vnd fördernuß/ vnterthenigst heim zu schreiben/ weil mir sonderlich ir ol bewust/ dz E. Churf. S. dieser/ wie auch allen andern Künsten/ vñ derselbigen Liebhabern/ Lehrern vnd Fortsetzern/ gnedigst/ gewogen. Zu dem weil mir vnterthenigst auch noch eyndenckendt/ der Wille/ so mir andermal von E. S. an derselben Hof gnedigst erzeigt vnd widerfahren/ dafür ich denn in aller vnterthenigkeit danckbar mich zu erzeigen allweg gesinnet/ vnd solches mein Gemüt zu erklären/ diß Werck billich E. Churf. S. vor andern verehren sollen. Langet dertwegē an E. Churf. S. mein vnterthenigst hochfleißigst bitt/ dieselbe wölle solch geringscheßig vñ nichts scheinendt Werck im besten vnd gnaden von mir auff vnd annemmen/ vnd nicht die größe vnd herrlichkeit der Gabe/ sondern viel mehr mein vnterthenig dienst/ vnd ganz geneigten herzlichem willen zum gnedigsten erwegen vnd beherzigen. In dem thut E. Churf. S. nach irer angebornen Königlichem Fürstlichen miltigkeit/ damit je vnd allewege das Durleuchtig Geblüt der Königlichem Fürstlichen Reich vnd Häuser Dännemarck vñ Sachssen beruffen vñ hochgerühmet gewesen. Vnd ich bin solchs vmb dieselbe E. Churf. S. mit meinen gehorsamen

men